

## ՋԵԿՈՒՑՈՒՄ

ՀՀ Արմավիրի մարզի Շահումյանի թ/Ֆ համայնքի ղեկավարի 2013թ. երկրորդ կիսամյակի ընթացքում կատարած աշխատանքների վերաբերյալ

22.01.2014

Հարգելի համայնքի բնակիչներ և հյուրեր.

Գյուղապետարանը ղեկավարվելով «Տեղական ինքնակառավարման մասին» Հայաստանի Հանրապետության օրենքի պահանջներով՝ ձեր ուշադրությանն է ցանկանում ներկայացնել հաշվետու տարվա 2-րդ կիսամյակի ընթացքում իրականացված աշխատանքներն ըստ առանձին բնագավառների:

Համայնքն ունի 300.0 հա հողատարածք, որից 220.9 հա գյուղատնտեսական նշանակության են: Բնակչության թիվը համայնքում կազմում է 1222 մարդ, տնտեսությունների քանակը՝ 216: Հաշվետու կիսամյակում ծնվել են 6 երեխաներ:

Ինչպես ամեն տարի, գյուղապետարանը կազմակերպել և Ազգային վիճակագրական ծառայության Վաղարշապատի տարածքային բաժին է ներկայացրել աշխատակազմի միջոցով իրականացված ցանքատարածությունների հաշվառումը, յուրաքանչյուր ամսվա ստացած բերքի հաշվառման ցուցանիշները, աշնանացան ցանքատարածությունների բերքատվության ամսական արդյունքները:

### 1. Սոցիալ-տնտեսական բնագավառ

2013 թվականի 2-րդ կիսամյակի ընթացքում գյուղապետարանի աշխատակազմի կողմից կատարվել են որոշակի աշխատանքներ՝ ի նպաստ համայնքի բնակչության սոցիալ-տնտեսական վիճակի բարելավման, քանի որ մեզ համար առաջնահերթ լուծման խնդիր է հանդիսանում համայնքի բնակչության սոցիալական վիճակի բարելավումը: Գոյացած սուղ բյուջեով հնարավորության սահմաններում կազմակերպվել են համայնքի սոցիալապես անապահով ընտանիքներին ֆինանսական օգնություն ցուցաբերելու աշխատանքներ: Այս կիսամյակի ընթացքում Շահումյանի թ/Ֆ համայնքի 25 անապահով ընտանիքների տրվել է դրամական օգնություն, որը ծառայել է նաև ֆինանսապես անապահով ընտանիքներին հողի հարկի ապառքների մուծման, ինչպես նաև այլ կարևոր հիմնախնդիրների լուծման համար: Ինչես նաև օրենքով սահմանված կարգով զիջվել է համայնքի 1 անապահով բնակչի ավտոմեքենայի գույքահարկը:

Դրամական օգնությունը տրվելիս և ավտոմեքենայի գույքահարկը զիջելիս հաշվի են առնվել համայնքի բնակիչների սոցիալական վիճակը, ավագանուն ուղղված նրանց դիմումները, որոնցից բոլորն էլ քննության են առնվել ավագանու անցկացրած նիստերում:

Անհրաժեշտության դեպքում գյուղապետարանը սոցիալապես անապահով պայմաններում ապրող որոշ ընտանիքների աջակցել է պետության կողմից տրվելիք նպաստների ստանալուն:

Համայնքում մեծ ուշադրություն է հատկացվում երիտասարդներին, նրանց համար հետաքրքիր միջոցառումների կազմակերպմանը: Ինչպես ամեն տարի, այս տարի ևս « Կերջին զանգի » միջոցառման առթիվ համայնքի բյուջեից հատկացվել է գումար՝ դրամական պարզևատրման տեսքով, որը տրվել է ավարտական դասարանին: 2013 թվականի հուլիս ամսին համայնքի բնակիչների համար կազմակերպվել է էքսկուրսիա դեպի Ապարան: Իսկ սեպտեմբերի 1-ին առաջին դասարան հաճախող համայնքի երեխաներին հատկացվել են նվերներ: Համայնքի 1-12 տարեկան երեխաներին նվերներ են հատկացվել նաև Ամանորի առթիվ:

## **2. Քաղաքաշինության և կոմունալ տնտեսության բնագավառ**

2013 թվականի երկրորդ կիսամյակի ընթացքում համայնքում պարբերաբար իրականացվել են աղբահանության աշխատանքներ:

Նաև սիստեմատիկ իրականացվել է փողոցների լուսավորության աշխատանքը:

Հաշվետու կիսամյակի ընթացքում մասամբ վերանորոգվել են նաև համայնքի գյուղամիջյան ճանապարհները: Ճանապարհների փոսերը լցվել են խճաքարերով:

## **4.Պաշտպանության բնագավառ**

Աջակցել ենք նաև էջմիածնի զինվորական կոմիսարիատի գործունեությանը՝ տրամադրելով հնարավոր բոլոր անհրաժեշտ տեղեկությունները և փաստաթղթերը համայնքում զորակոչին ենթակա անձանց վերաբերյալ:

## **5. Ֆինանսների բնագավառ**

Հաշվետու կիսամյակի ընթացքում օրենքով սահմանված կարգով Շահումյանի թ/ֆ համայնքի գյուղապետարանի աշխատակիցների կողմից կազմակերպվել են նաև հողի հարկի, գույքահարկի հավաքագրման և վերահսկման աշխատանքներ: Հողի հարկը կիսամյակային պլանի համաձայն գանձվել է 114.2%, գույքահարկը՝ շենքերի-շինություններինը՝ 121.6%, փոխադրամիջոցներինը՝ 93.5%:

Համայնքի բյուջեի եկամուտներից սեփական եկամուտների կատարողականը կազմում է 96.5 %:

Շահումյանի թ/ֆ համայնքի ղեկավարությունը բնակիչների հետ մշտապես գտնվում է անմիջական շփման մեջ՝ ուշադրություն դարձնելով վերջիններիս բազմաբնույթ խնդիրների լուծման համար դրված ցանկացած առաջարկություն: Բնակիչներից յուրաքանչյուր ոք, դիմելով գյուղապետարան, բոլոր հարցերի համար ստացել է սպառիչ պատասխաններ: Գյուղապետարանը հնարավորությունների սահմանում աջակցել է բնակչությանը այլ հիմնարկ-ձեռնարկությունների հետ ունեցած խնդիրների համահարթեցմանը՝ ցուցաբերելով խորհրդատվական օգնություն, ինչպես նաև ապահովել է նրանց փաստաթղթային

շրջանառությունը, լինի դա տեղեկանքների, թե այլ փաստաթղթերի տեսքով: Շուրջ 155 բնակիչներ հաշվետու կիսամյակի ընթացքում ստացել են բազմաբնույթ բովանդակությամբ տեղեկանքներ, շենք-շինությունների կադաստրային խնդիրներին առնչվող քաղվածքներ և այլ գրություններ՝ տարբեր բնագավառներին վերաբերող:

2013 թվականի 2-րդ կիսամյակի ընթացքում Շահումյանի թ/ֆ գյուղապետարան տարբեր հիմնարկություններից մուտքագրվել են շուրջ 43 պաշտոնական բազմաբնույթ գրություններ, որոնք պատասխանվել են ըստ անհրաժեշտության:

Նաև ի կատարումն համայնքների ավագանիներին 2009 թվականին ուղղված մեթոդական նամակի պահանջների՝ Հայաստանի Հանրապետության արդարադատության նախարարություն ենք ուղարկել համայնքի բյուջեի փոփոխությունները, տեղական տուրքերը, համայնքի բյուջեն հաստատող որոշումների փաթեթները:


Ցանկացած նորամուտություն օրենքի բնագավառում, որը վերաբերում է համայնքի բնակիչների առջև դրված հիմնախնդիրների լուծմանը, հողի հարկի և գույքահարկի, տեղական տուրքերի մուծմանը, ինչպես նաև այլ կարևոր հարցերի, բնակիչներին տեղեկացրել են Շահումյանի թ/ֆ համայնքի գյուղապետարանի աշխատակիցները:

Հաշվի առնելով այս ամենը՝ համայնքի ղեկավարությունն արածը չի համարում բարձր ցուցանիշ և դրանով չի բավարարվելու: Համայնքի զարգացմանն ուղղված աշխատանքները միշտ ընթացքի մեջ են և շարունակական:

**ԳՅՈՒԴԻ ԱՌԱՋՆԱՀԵՐԹ ԽՆԴԻՐՆԵՐԸ**

1. Համայնքի համար առաջնահերթ լուծման խնդիր է հանդիսանում գազաֆիկացման հարցը: Համայնքի մոտ 30 տնտեսություն գազաֆիկացվել է Շահումյան գյուղի գազի բաժանարար կետից: Որպեսզի Շահումյանի թ/ֆ համայնքը գազաֆիկացվի, առաջին հերթին համայնքին անհրաժեշտ է գազի նոր բաժանարար կետ, որը կապահովի համայնքի մնացած բնակիչների տները գազաֆիկացնելու: Սա շատ տարողունակ և գումար պահանջող խնդիր է, որի լուծման համար խնդրվում է մարզպետարանի աջակցությունը:
2. Մեզ համար կարևոր խնդիր է հանդիսանում նաև համայնքում մանկապարտեզի բացակայությունը:
3. Հիմնախնդիր է նաև համայնքի կենտրոնական ճանապարհի աֆալտապատման աշխատանքը:

Շահումյանի թ/ֆ համայնքի ղեկավար՝



Ա. Յայլոյան